



15. februar 2011

Inatsisartut suleriaasianni § 37 naapertorlugu Naalakkersuisunut apequtit imaattut matumuuna saqqummiuppara:

Naalakkersuisunut apequt:

Naalakkersuisut sunik siunnerfeqarpat – kittaartumik angusassat ilaatigut pineqarsinnaapput – Kalaallit Nunaata CO2-mik aniatitsinerata annikilliliivigineqarnissaani?

Naalakkersuisut qanoq CO2-mik aniatitsinnginnerunissamik anguniagaqarneq angutserniarpaat?

Naalakkersuisut CO2-mik aniatitsinerit annikillisinneqarnissaasa ulluinnarni anguneqarnissaani suliniutit piviusunngortinnissaat kiap akisussaaffigivaa?

Naalakkersuisut CO2-mik aniatitsinerup annikillisinnaani suliniutaani qanoq kommuunerujussuit suleqatigineqarpat?

(Inatsisartunut ilaasortaq, Akitsinnguaq Olsen Siumut)

Tunngavilersuut:

Inuiaqatigiinni soqutigisanut ilaavoq Kalaallit Nunaata akisussaaffimmik tigusinnissaa nunarsuarmilu tamani atuuttunik isumaqatigiissutinik eqquutsitinissaq. Angusassat angutserlugit toqqammaviulluinnarpoq kommuunit inoqarfiillu avinngarusimasut Kalaallit Nunatta aaqqissuussaananerani anguniakkani peqataatinneqarnissaat, suliniutigisat piviusorsiortumik aammalu anguniakkanik malitsitinissami pisariaqartinneqartut pigineqarnissaat qulakkiissallugu.